

竹谿縣志卷之二

輿地

周禮大司徒掌天下土地之圖知九州之地域廣輪之數辨五地之物形方氏正其封疆無有佹離志地綦要矣谿邑與竹山俱爲古庸地歷代分隸不一則沿革當詳也地界秦蜀踞楚上游疊嶂巉巖屹然雄峙測山水之高深稽疆域之廣狹與夫邊防險要古蹟留遺形勢當瞭如指掌焉至設塘汛以慎防守紀路歧以達軌衢亦慎固封守者所宜依類講求也作輿地志

竹谿縣志

卷二

輿地

沿革

竹谿古庸國地書載武王伐紂庸首會焉春秋文十六年庸人帥羣蠻以叛楚麋人率百濮聚於選將叛楚楚使侵庸及庸方城遂滅庸自是屬楚而爵姓俱亡矣史記楚世家懷王十七年秦大破楚師於丹陽遂取漢中二十五年秦復與楚上庸頃王十九年楚軍敗割上庸漢北地予秦秦襄王三年與楚上庸西漢以上庸武陵屬漢中郡武帝置十三州刺史漢中隸益州東漢合房陵錫二縣地爲漢中郡漢末別上庸房陵爲二郡三國志建安二十一年合錫上庸郡置都尉二十

四年孟達攻房陵太守蒯祺爲達兵所害上庸太守申耽降
二十五年改延康元年孟達降魏魏以達領新城太守上庸
其所隸也魏太和元年孟達反二年宣王攻破之分新城之
上庸武靈巫縣爲上庸郡四年省上庸併爲新城錫二郡景
初元年分魏興之魏陽錫郡之安富上庸爲上庸郡高貴鄉
公甘露四年復分新城置上庸郡隸荊州晉爲上庸郡統縣
六南北朝宋上庸郡領縣七南齊上庸郡領縣九隸梁州梁
爲安城改上庸曰新豐西魏改安成曰竹山竹山之名始此
改新豐仍曰上庸周改上庸曰孔陽隋改竹山上庸四縣爲

竹谿縣志

卷二

輿地

二

房陵郡屬梁州唐隸房陵屬山南東道五代仍唐舊宋省上
庸入竹山開寶中廢永清上庸雍熙二年併爲保康軍隸京
西南路紹興元年置金均房鎮撫使十年置金房開達安撫
使又改隸利州路元廢保康軍爲房州領房陵竹山俱屬襄
陽路明成化十二年因都御史原傑奏建鄖陽府割竹山尹
店社置竹谿縣屬鄖陽府隸湖廣下荆南道

國朝因之順治十六年隸湖北承宣布政使司道光二年川陝
楚三省督撫遵

旨會查三邊老林奏請改建官弁以資彈壓割房縣二竹交錯地

於南路白河口移設撫民同知尋以添建衙署兵房諸多窒礙奏改爲捕盜同知割地仍隸舊治按上庸卽今三竹地歷攷史籍梁以竹山爲安城改上庸曰新豐至西魏復改安城曰竹山改新豐曰上庸維時上庸與竹山互見並無省併之文兩地當各有攸屬至宋升房州爲保康軍節度始省上庸入竹山疑上庸卽今竹谿地節經兵燹文獻久湮論沿革者不得僅據前明析置爲緣起也

山

北紀之山

五星峯明統志治北疊連若相顧盼時稱五星聚奎邑中文人多視蒼鬱爲聯翩之兆廣輿記爲一邑主山

青華山卽鶴頂山縣西一百里自趾至巔高三十里與陝西洵陽縣分水爲界合邑諸山發脉處也秋暮卽有霜雪上有北帝宮年久廢毀重脩

羅圈巖縣西北九十里青壁陡絕形如羅圈與陝西連仙河分水爲界

竹谿縣志

卷二

山川

四

豎旗山縣西七十里山形陡矗翩若豎旗故名

鷄籠山縣西北六十里象如鷄籠下卽竹谿河源也其上多產竹箭谿人器用賴焉

連錢山縣西北六里

望葫蘆山縣西北十里與五星峯相連邑人李昌平建茶亭於上稍北一小山無峯巒片石之上掌痕宛然俗稱仙人掌殆仙靈遺跡也

獨松山縣西北三十五里上有古刹刹前有獨松虬枝鶴蓋亭亭雲表因以名寺久頽圯嘉慶年間道士陳來貴重修昔

人以獨松棲鶴爲八景之一

老君寨山縣西北三十五里高峯聳峙與獨松山毗連上有老君觀嘉慶二年道士陳來貴脩葺邑人曾芝村有記見藝文

椒林岡縣北表延三十里至大岬山抵竹山縣界

獨山縣東北三十里一峯獨秀雄視諸山土人修寨其上

西紀之山

香山縣西七十里峯巒峻聳橫插天空一名香臺觀舊有元帝象卽昔之香山寨也今屬白花寨

竹谿縣志

卷二

山川

五

中峯山縣西三十里絕頂有寨康熙甲寅年穀城鎮總兵楊來嘉及竹山營遊擊謝泗叛率賊衆來攻知縣曹席珍挈民保聚其上賊不敢犯

左旗山縣西三十里

洞崎山西南五十里懸崖萬仞飛泉倒瀉漱玉歎珠不減廬山瀑布循麓而上蹊逕險絕頂有三寨透迤相連可容數千人康熙甲寅楊來嘉謝泗之亂竹谿營擁衆以登賊屢攻不能下遂遯去

偏頭山縣西三十里相傳真武飛昇於此有祖師庵

畫屏山勢絕壁崇巒爭奇獻秀宛若畫屏排列紅崖白雲之外昔人以畫屏烟雨爲八景之一去縣五里

覆船山縣西三里山麓有元和觀

九里岡縣之案山也去城二里

東紀之山

誥軸山縣東數百步山勢自南而來橫擁水口爲縣之內關昔人以龍山橫誥爲八景之一

五峯山縣東十五里岡巒重疊擁翠拖嵐而五峯特起神秀獨鍾故名

竹谿縣志

卷二

山川

六

白巖山縣東二十里山石磊砢如雲故一名白雲巖鑼鼓洞縣東五十里

文筆峯縣東二十里高峯插空銳削秀起如卓筆然昔人以文筆晴嵐爲八景之一

馬鹿山縣東五十里

富家山縣東九十里

牛頭山縣東南二百二十里卽牛頭寨南紀之山

大峪山縣南十五里

山鷄埡縣南一百四十五里與竹山分界

虎頭山縣南二百里上有寶珠寨

紅富山縣南十五里

東停岡縣南二十里

蕉嶺岡縣南四十五里

鼓圓山縣南六十里

蕨山縣南一百里

梅子埡縣南一百一十里

鬼洞山縣南一百一十里

竹谿縣志

卷二

山川

七

騎牛山縣東南一百一十里

蓑衣嶺縣東南一百二十里

撰河寨山縣南一百三十里

紅心寨山縣南一百二十里

光頂山縣西南二百二十里

小王家山縣西南二百三十里

算盤山縣南一百五十里

張家山縣南一百八十里

紅土山縣西南二百一十里

叮嚕溝山縣西南二百二十里此路最險

峯溪山縣南二百三十里

母猪峽縣南三百五十里兩崖峭壁參天終年不見日色盛夏無異寒冬居人以擁爐為常

和尚壘縣南二百五十里

終南山縣南三百里峯勢插漢佳處不讓南山然僻在庸中
人跡罕到殊非士宦捷徑矣道志

磁器山縣南三百里

洞賓口縣南二百八十里

竹谿縣志

卷二

山川

蕭家坡縣南三百六十里山頂與四川大寧縣大歇廠分界

王家山縣西南二百里寰宇記稱上庸縣西有三王塚在王家山今訛王家山

葛洞口縣東南一百六十里

安峪寨山縣東南一百八十里

釣魚臺縣東南三百里

鹽包石縣東南三百里

固子石縣東南三百里

向家寨山縣東南三百六十里

眺景巖縣東南五百二十里

野苗巖縣東南五百五十里

鳳凰嶺縣東南七百餘里在張公橋東

雷家寨山縣東南六百里在張公橋西

三王寨山在雷家山稍西卽雷家寨內所屬地縣東南六百餘里

鷄心嶺縣南四百里與陝西平利四川大寧縣交界界嶺縣南四百里與四川大寧縣分界故名界嶺

百吉埡縣南一百八十里水名蘭池河其山四面隆起中仰若盂乾隆初居民建太山廟於此禱雨輒應

竹谿縣志

卷二

山川

九

還定山縣南一百五十里山如豎旗下有怪石嶙峋多不可名狀

駐雲嶺縣南百三十五里高插雲漢四時常有雲霧環繞人疑仙靈駐跡

迴龍觀山縣南百二十里在小河口南二十里其山蜿蜒若龍至盡處昂首若回顧狀乾隆初居民建真武觀於上

萬佛山縣南百五十里在望峪河之南形若覆鐘其首稍偏顧俗傳爲望夫山云古有婦人其夫遠戍曾於此佇立以望後化爲石今稱萬福山

川

秋溝河縣西南七十里源出小秋山至秋溝塘與蔓菁溝水俱匯洞溝河至土城子入縣河

瓦面溝縣西北六十五里源出陝西平利連線河由黑龍洞南注西小河口與秋溝河匯入縣河

竹谿河出鷄龍山由廖家河入縣河

青華觀河縣北九十里出青華山南注竹谿河入縣河

東蓬西蓬河縣西北一百二十里在青華山之左南注竹谿河入縣河

竹谿縣志

卷二

山川

十

羅圈巖河在青華山之右東注竹谿河入縣河

東西溝河縣西南六十里源出龍山凹至西小河口入縣河

左溪壩河縣西南四十里源出漂水巖至陳家堰入縣河

爐溝河縣西四十里源出分水嶺至中峯觀匯縣河

大溝河縣西南三十五里源出月亮溝至雙河廟匯入縣河

小南溝河縣西南三十里源出唐家溝流十餘里入縣河

峒溪溝河縣西南三十五里源出峒溪寨至上馬石入縣河

松樹溝桃花溝滴峪溝河縣西南二十五里三河俱至青草

坪入縣河

彭峪溝河縣西南二十五里源出偏頭山至花橋寺入縣河
灌溝河縣西南二十五里源出彪湖至元和觀入縣河

大峪溝河縣南二十五里源出扇子杖至興隆街入縣河

東西兩麻河源出鼓兒寺諸山至雙河口合流爲進峪河水
口有古松蒼翠盤鬱亦數百年物也水流至三堰壩入縣河

縣治河源出小秋山匯洞溝河至西小河口南匯西溝北匯
黑龍洞河由郭家舖至中峯觀北匯爐溝河南匯左溪小南
溝大溝峒溪溝松樹溝滴峪溝等水至廖家河與竹谿河合
左納彭峪溝灌溝大峪溝繞城而南由誥軸山北折而東出

竹谿縣志

卷二

山川

十一

手巾店匯進峪河至漫液黃龍寨水坪龍堰河雙叉河匯縣
河舖河出潭口入柿河此縣河之水也

王家河縣西六十里南流至鵝坪入柿河

萬家河縣西南一百四十里源出陝西竹葉關北注撰河

撰河縣南一百二十里東北會萬家河瓦房溝泉溪黃柏溪
水過馬家壩太平關秦坪至火燒坪受李家河等水出南小
河口入柿河

火燒坪河西納秦坪河南納李家河水匯而東北流出南小
河口入柿河始通舟楫

李家河縣東南一百二十里源出牛角尖入火燒坪河
珠玉河縣東南三十里由白菓坪入柿河

樊定河縣東南一百五十里源出銀杏寺北流入柿河

南江河卽柿河可通舟楫源出鎮平縣至小花園大花園入
竹谿界由上下鵝坪會王家河水至簡家店東流入滙灣南
納南小河口水東流至羊角山北納白菓坪水至落泊灣轉
入潭口會縣治河水至郭家洲會泉河水又東流納樊定河
水至兩河口會官渡河入庸水此柿河之水也

高祖河出馬鞍嶺黑漆溝至周家壩入豐溪河

竹谿縣志

卷二

山川

十二

鍋邊河出磁器山縣南三百五十里至周家壩入豐溪

石板河縣南一百八十里源出界嶺由楊家杓至廣龍灘入

泉河

邊江河縣南二百九十里北流入泉河

豐溪河縣西南二百七十里源出西面河由下三壩至廣龍

灘會泉河水

泉河可通舟楫滙豐溪河石板河等水至白沙河邊魚口出

郭家洲入柿河

羊鼓洞河縣南四百里源出界嶺由核桃園石滾坪後河百

丈峽老莊子母猪峽會渣峪河水出馬門子入官渡河

張公橋縣東南四百餘里源出大禾田釣魚臺諸水皆匯焉

北出白河口

渣峪河縣東南三百里由馬門子入官渡河

卜溪河縣東南三百里源出古墳嶺至卜溪溝入官渡河

瓦桑河縣南三百里源出張家埡出魚陀峽入官渡河

官渡河可通舟楫縣東南二百里自白河口至馬門子會卜

溪河渣峪河瓦桑河諸水東流出兩河口入柿河

井堰潭洞附

竹谿縣志

卷二

山川

井

縣前井

在照牆後五十步

杏林井

在藥王廟前

集奎樓井

在東門內街北

堰

堰十有七官堰

縣東二里

頭堰

縣東三里明成化間知縣曾熙脩後嘉靖間圯於水應脩

二堰

頭堰之下

三堰

二堰之下

王公堰

縣東三里明萬歷間知縣王璋築後衝壞未脩

縣東七里

閻家壩堰

縣東三里

仙人堰

縣西十五里康熙五十九年知縣龔克庸脩築更名渤海

民受其利至今頌之

白水堰

縣西三十里地名青草坪

陳家堰

縣西三里

楊家堰

縣西三十里

里金家堰

縣西南三十里

老虎堰

縣西南三十里

大溝堰

縣西三里

蔣家堰

縣西

三十里長望川堰

縣西十里

雙龍堰

縣西二里

陳家堰

縣西二十五里地名楊家壩

潭

潭五

西潭

西門外二里

柳木潭

東門外二里

長潭

縣東五里

神龍潭

縣東十五里

里土黃潭 縣東十五里

洞

隱真洞在覆船山多茂林脩竹昔人以古洞隱真為八景之

一

峒溪洞在縣西南二十里

穿巖洞在縣西三十里中峯寨之南洞寬一丈有餘明末闖

獻夷城時居民避賊保全者甚多洞穿巖而過二面相通

竹谿縣志

卷二

潭堰

十四

風洞在縣東二十里白巖寨之西洞口濶二丈其中深廣不可測

鑼鼓洞縣東五十里通竹山之要道

南鼓圓洞在北鼓圓山之陽

北鼓圓洞在南鼓圓山之陽每當歲旱禱雨輒應

仙人洞縣南六十里

雲洞縣南二百里寶珠寨下洞中雲出即雨土人以占晴雨

洋古洞縣南一百里天旱祈雨取水屢驗

豐溪朝陽洞在半山之腰峭壁嶙峋高數十丈洞寬二丈餘

高丈餘俗傳昔有仙人修真於此

谿南太和洞一山蔽洞口上有眼如月洞可容千人昔人避流賊於此嘉慶初復有避賊者賊以洞無水而欲困之有黠者言洞後有水衆以燭行緣石堦數十級路始平石壁光明有文如人物像及蝌蚪字者又行得石門門外白沙漫漫有清溪一道多魚游蘋藻間又有橋畔淤泥上有巨人足跡衆驚駭取魚水還賊見而散去其後有好事者至則石扉已闔如桃源之無可問津也

谿東縣河舖有山如纛至山頂十餘里五色石在焉石厚五

六尺濶一二丈四面方正上有仙女足跡石下有一洞俗名鑼鼓洞外窄內寬可容數百人入內歷石扉三重則陡峻無坦處有縋繩而下者至二十餘丈聞鑼鼓聲如萬馬奔騰遂畏不敢前返至二重扉處得龍神石像負出廟祀之禱雨輒應山上有寨不知昉自何時自明至今土人多避亂於此均無恙焉人咸祝曰恩山

有採鍾乳石者聞邑南朝陽洞有此物至重巖上一石橫阻洞口然燭俯入始開敞兩旁有立石如神鬼蹲立之狀內有石峽下則硝土上如水筋下垂其下有石山高七八尺旁有

門陡坎橫截下有潭深淺莫測坎邊有塔高丈許六方玲瓏若鑄成者內懸石如馬肺又有人物草木之形又左右二門左門斜掩不可入右門內石床石几寒氣襲人客袖石數枚出不知的爲鍾乳石否

邑南納玉河大山之脊有響石洞俗又名天坑洞口徑丈一石橫亘儼一井而二口者夏則風動草木冬則霧氣蒸騰投以石數刻猶有聲始如擊鐘繼如撾鼓忽如瓦缶之鳴又如崩崖驟雨衆響不一移時聲始寂然殆不知深遠之伊於胡底也

納玉河山脊響石洞之上又有一洞俗名風洞春夏風外出洞口草木皆葉戰條鳴秋冬風內入人若逼視一俯首帽卽被風吸去矣有好事者刈葛相接四五百丈繫一石下繩意欲探其深淺及至葛盡而洞無底止俗有稱爲天窟者至今猶然

老虎洞縣西四十里鄉人云昔年常有虎蹲伏其內及獵者數次相探竟無踪焉後更名神虎洞

清水洞在洪恩寨山腰洞口有蝙蝠大小不一若守洞者大朝陽洞在豐溪坵峭壁嶙峋旁有小路可到洞寬二丈餘

高二丈餘有石床石几石柱進洞里許水流清澈可鑑嘉慶年間土人避難於此賊往來不敢窺伺用貯軍糧焉

水龍洞在豐溪洞口水流歎湧春夏有魚出焉居民架板於上以避難

旱龍洞在豐溪洞左寬濶險峻鄉人多避難於此

紅巖洞壁立陡峻寬可容千餘人嘉慶年間藉以避亂屯糧賊不敢窺伺

鼓眼洞在珠玉河土人稱頭洞二洞有石鐘懸焉扣之有聲仙姑洞在珠玉河口羊角山有仙女足跡洞中時聞鼓樂聲

竹谿縣志

卷二

洞

十七

黑龍洞在羊角山高濶皆丈餘洞內有田洞外有潭洞口有男女大小足跡遊人時見之中有石門深邃人不敢入

響水洞縣南六十里洞水清流湍激聲如鐘鼓春夏有花魚自內而出

佛洞灣縣西五十五里巖上古洞內有觀音羅漢佛像至今猶存

疆域

縣東六十里抵竹山縣界南五百六十里抵大寧縣界西六十里抵平利縣界北百二十里抵洵陽縣界東南四百五十

里抵竹山縣界西南五百六十里抵大寧縣界西北九十里
抵平利縣界東北九十里抵竹山縣界廣百二十里袤六百
八十里至府陸路五百五十里至省陸路千七百四十里水
路自竹山至省二千三百二十里至京三千二百里疆域中
有犬牙相錯爲界者如東路之羊角寨東南路之官渡河北
路之安河塘俱由竹山錯入竹谿界內西路之左溪壩漂水
寨又由竹谿界內錯於竹山當時隨地納糧至今相沿不改
邊防

磁瓦關縣東五十里卽今鑼鼓洞爲郡城房竹大路界嶺縣

南四百里川楚分界處上下四十里疊巘連崗其東三十里
卽向家寨由向家寨而南接竹山之洪坪由洪坪而東二十
里接房縣之九道梁峭壁巉巖深林密箐最爲險要

石甸河縣西南二百六十里嘉慶年間官兵駐防處山鷄壩
縣東南百六十里交竹山界自房縣興山來者必由此路
竹葉關縣西南百五十五里嘉慶年間派大兵駐防

開陽坪縣西南百四十里嘉慶年間叅將李正勇帶兵駐防
火龍壩縣西南九十里通川陝要路嘉慶年間叅將董寧川
帶兵駐防

銅錢關縣西北一百零五里交陝西洵陽縣界嘉慶年間總兵王凱叅將吉林泰帶兵駐防

縣河舖縣東六十里通竹山明史地理志原設巡檢一員尋遷於白土關現設塘兵防守府志

豐溪縣南二百五十里王以旂圖說在鎮坪南四十里賊自大寧鹽井來者多由此路

尹店社縣西三十里通平利要道王以旂圖說原設巡檢一員駐此康熙六年奉裁府志

小關子省志縣西南爲秦楚蜀三省交界處明有巡檢席綱

竹谿縣志

卷二

邊防

十九

守之今屬陝西平利縣境府志

五陵關縣西五十里

關埡縣西六十里兩山夾峙一線中通陝湖交界爲達陝西平利白土關要路嘉慶初設立邊卡總兵路超吉曾帶兵駐防按白土關在關埡西六十里距縣城百二十里明成化間遷縣河鎮巡檢守之

國朝康熙初裁今興安鎮撥重兵戍守嘉慶年間改設白土關爲平利縣治是白土關已屬陝西而谿當以關埡爲西路要隘矣舊志謂在縣西六十里誤

官渡堡縣東南二百里二竹房縣交界通興山巴東穀城要路明成化間設千戶所戍守類編明宏化間竹山知縣楊完以寇發洪坪請移官兵守之本堡歲僉老人一名鄉勇百名協守今廢府志嘉慶年間大學士書麟奏設官弁兵丁駐守邑庠生曾承恩以地形阨要脩築堡城民賴以安卽今堡也竹葉關在光頂山北曾家壩南川楚往來者多取徑於此東至撰河塘六十里至城一百八十里東北至平利縣二百一十里至牛頭店四十里西至鎮坪百五十里南至塘家坪五十里山徑崎嶇四處相通最爲險要

西面河界嶺上下峻坂共三十餘里東至豐溪汎四十里西至鎮坪營五十里兩營汎文報必由之路

文彩溝界嶺北接光頭山西爲河溝綿長四五十里老林斷續路從溝礪上行極爲要隘

大光頂山小光頂山高出雲表林木蒼蔚自文彩溝起至紅巖溝止袤長五六十里高二十餘里上寬十二里爲竹谿平利接界大山至城二百四十里至平利二百九十里山溝出白土關最爲要隘

向家壩崇壩百雉通川陝要路北連竹山洪坪汎東北接房

縣九道梁東南抵巴東縣險峪河西南接大宣縣界最爲要隘

鷄心嶺高出霄漢陟其上川陝湖北各山均羅列如兒孫太白所云上有六龍迴日之高標下有衝波逆折之激湍此嶺實爲相肖

核桃園城南四百二十里二竹房縣交界東西相距各百數十里高山峻嶺穹窿幽邃古木叢篁蒙密蒼蔚明史流賊暨嘉慶年間教匪往來多在此地奔竄地勢使然

竹谿縣志
卷二 邊防 二十一
鎮坪邑西南陝西平利縣地東口屬豐溪沅東南至鷄心嶺七十里南由上茅壩乾溝中心石百四十里至一碗泉正西由竹谿河至化龍山又由化龍山至八仙河分路至四川之兩扇門偏巖子山幽谷暗三省邊境處處相通最爲要隘西溝界嶺縣西南東至豐溪沅九十里至鷄心嶺九十里南至蕭家坡九十里林旁礪路盤折逼仄極爲崎嶇要隘雲霧溝縣西爲湖陝相扼要隘

新添邊防

鑼鼓洞

楸山壩

竹谿爲川陝門戶由竹山大路來者必從鑼鼓洞經過咸豐年間逆匪不靖知縣周世榮相度地勢見縣東五十里之磁

瓦關即羅鼓洞兩山排闥一徑中通建造礮樓炮臺重門啟閉有警則派兵勇防堵遂為東道雄關

谿邑西去七十里有大楸山為秦楚交界處川陝入谿捷徑也咸豐年間知縣周世榮建設卡隘壁壘重疊為一夫當關之所

龍王溝縣南一百八十里其發源自萬佛山溝心有石罅罅中泉水湧出每日三潮澗溪皆為之滿隨漲隨消歷來如斯即大旱隆冬未嘗稍異始如瀚海潮信者然真靈景也

古蹟

白雲巖舊傳仙人呂洞賓至此以劍劃詩於巖

北天劍跡縣西南三十里偏頭山俗傳北帝飛昇於此斷劍猶存

布按二分司行館府行館主簿巡檢各署俱無存東門內衣錦坊北門內集賢坊西門內叢桂坊南門內迎恩坊今俱廢陳家堰陳搏脩煉於武當山九室巖服氣辟穀二十餘年移居華山又止少華石屋寢嘗百餘日不起好讀易手不釋卷嘗息於陳家堰其地至今無蚊舊志終南山相傳張良辟穀

竹谿縣志

卷二

古蹟

二十二

於此舊志

隱真洞相傳呂純陽居洞脩真洞因以名舊志

唐李太白隴西人初隱岷山遨遊襄漢間嘗寄居竹谿有遊

仙娥溪等詩舊志

天池堦在珠玉河天池山三池相對如連珠形中池之下有聚賢臺古碑一座鐫宋世七年四大字餘俱漫滅不可考

漂水巖縣西四十里巖上有舊磨一具及石床几席釜甑器皿之類罔不畢備上有洞洞內藏箱一口土人常見之至今猶存不知何時物也巖內有泉其流不竭下灌田數百石髮

逆之亂土人修寨於上避難者數萬家賊盤踞山麓七十餘日不敢逼視

慈孝溝距城六十里地勢幽狹兩岸峭削水出柿河其地昔年多大木前明修宮殿曾采皇木於此壁間鐫詩三章年代姓氏俱有字徑三寸詩云

采采皇木入此幽谷求之未得于焉躑躅

采采皇木入此幽谷求之既得奉之如玉

木既得矣材既美矣皇堂成矣皇圖鞏矣

嘉慶戊午年光化縣知縣廖希夔撰典史華亭瞿華筆

竹谿縣志

卷二古蹟

二十三

中峯寨即古天台山里人立亭其上左有捨身岩爲曹邑侯女盡節處右有方石孟清泉流出不竭不溢真仙景也

邑西清泉寺有古井深丈餘靈泉湧沸一清澈底土人取以煮藥多奇效因以名寺

邑西大覺寺前有谿傍堤古樹一株大數圍根如虬龍直達彼岸儼然一橋梁也鄉人因鋪土其上以便往來

青蓮塔在白沙河華嚴寺下高十餘丈上有碑刻順天年建並佛偈四語今尚存前有池相傳生青蓮塔因以名每當旭照影若蓮花亦奇觀也

古佛洞撰河寨西十餘里佛座下有水湧出流入小石池清
澈異常能醫瘡毒千百人取之不竭人稱神異焉

香爐古寨在華巖寺前有碑載崇禎十年張獻忠過此居民
避亂處

鴛鴦池縣東南一百五十里崇山峻嶺間水匯一池濶數畝
清澈無底傳有鴛鴦數對時集於此又有紅白蓮花或數年
一見或一年數見昔有號耕雲山人者刻詩於石字多泐痕
少有能讀者

華巖寺在白沙河基址尚存有古鐘二鑄宏治九年常夜鳴

竹谿縣志

卷二古蹟

二十四

若霜鐘焉其碑碣皆蝌蚪文斑駁不可讀有臥石長四丈餘
質若水晶其光可鑑而旁多赤紋地生野菜似蓴而深紅味
香可食

安峪寨有金盆山俗名黑霧壩旁高而中窪水匯爲池多鯀
鮐生草若龍鬚春朝秋夕水光蕩漾皎若金盆土人相傳爲
仙人盥手處有石刻空山無人水流花放八字甚奇古

禪定寺遺基尚存有碑載丁酉石和尚爲亂尚書撫寧伯及
諸名臣白圭朱永王恕等駐兵於寺因祝萬壽捐金命僧惟
整廓大之云云去寺里許有二塔鐫宏治戊申秋立

古牛石縣西三十五里天臺山麓澗旁石澗丈餘如牛角形故名

八景

龍山橫誥 即誥軸山見山川

五鳳飛雲 即五星山見山川

仙刹棋廊 相傳昔有仙人奕棋於此

古洞隱真 見古蹟

白雲劍跡 即白雲巖詳古蹟

文筆晴嵐 即文筆峯詳山川

竹谿縣志

卷二

古蹟

二千五

獨松棲鶴 即獨松山詳山川

畫屏烟雨 即畫屏山詳山川

墳墓

秦王夫婦墓不知何許人亦不詳何代在東南六百里雷家寨中

嘉祐太子墓西二里彌陀菴右不詳何人

楊六郎墓東二里地名茅坪相傳宋將勦寇歿葬此

裘侍郎墓東百里地名石門有碑載元人里居名字漫滅不

可考

節推周清墓縣北七里進峪河口之東山

兵科給事中徐成楚墓縣西四十里爛板溝

隴西道副使歐陽照墓縣東七里藍家河

明威將軍張自成墓西三里覆船山麓

章烈婦墓西四十里漂水巖下卽典史張廷芝妻也

以上舊志

塘汎

舊志十有五新設三汎改設一汎

東路

誥軸山汎距城半里

水坪塘距城三十里官一員兵十一名

竹谿縣志

卷二

古蹟

二十六

縣河舖塘距城六十里官一員兵二十名

龍堰河塘距城六十里官一員兵十二名

牛頭寨塘距城百二十里官一員兵十一名

南路

漫液塘距城二十五里官一員兵十一名

渡船口塘距城六十里官一員兵三十名

雙竹圓塘距城九十里官一員兵十名

撰河塘距城一百二十里官一員兵二十名

唐家坪塘距城一百八十里係嘉慶年間裁西路小關口塘

移建於此

豐溪汎距城二百四十里官六員兵二百名

向家壩汎距城四百八十里官三員兵一百名

西路

中峯觀塘距城三十里官一員兵十一名

秋溝塘距城六十里官一員兵五十名

竹谿河塘距城五十里官一員兵十一名

北路

椒林崗塘距城三十里官一員兵十一名

竹谿縣志

卷二

塘汎

二十七

龍王溝塘距城九十里官一員兵三十名

獨松山塘距城三十里官一員兵十一名

路歧

出東門爲歧路二一涉東門河至觀音閣三里次漫液十里

次黃龍寨十里次洞子溝至水坪十里涉水坪河分三歧

一至劉家河十里次磁瓦關十里卽鑼鼓洞涉縣河舖十里

入竹山界

一自水坪東南至閻家壩五里次李家灣次劉家灣次馬鹿

山十里次龍堰河十里至潭口二十里次郭家洲二十里次

樊定河十五里路二歧

一東至爛泥灣二十里入竹山界

一南至銀杏寺山鷄埡三十里入竹山界二十五里至官渡河九十里至老庄子四十里至石滾坪四十里至香溪入大

壩界

一北逕至望城崗三里次臥牛石三里次進峪河涉二歧

一至塔兒寺十里次洛家河十里次獨松山十五里入竹山界

一至團山十五里次黑虎廟十五里次大埡子十五里入竹

竹谿縣志

卷二

路歧

二十八

山界

又東北逕至後溪村十五里次獨山十五里入竹山界

自南門出涉二歧

一逕至大峪溝十五里

一逕至九里崗三里次漫液十七里次龍王埡十里次蓮花

石四里次簡家店五里次渡船口八里次金銀嶺五里次磨

箭石五里次牌頭嶺四里次麻溪山四里次蕨山十里次太

平關三里次土地嶺五里次七里匾五里次馬家壩五里次

猪槽洞三里次沙家嶺三里次撰河十里次全溪三里次高

橋溝三里次生人埡二十三里次豆腐石六里次石板河五里次九灣子七里次銅嵌子五里次草場壩五里次紅土山六里次叮噹溝十里次猴子坪十里次五道河五里次豐溪四里次馬轉河四里次馬礮河五里次洞賓口十里次果餅河三里次磁器山三十里次馬鬃嶺四里次一溪山五里次三登坡五里次蕭家坡六里入四川大壺界
北門久閉道出西門外爲歧三

一北逕至五星峯五里爲樵蘇之地

一西逕至茶菴五里次廖家河五里又二歧

竹谿縣志

卷二

路歧

二十九

一逕西北至響水洞五里次吳家壩五里次紅廟三里次草場壩五里次徐家庄五里次木瓜園四里次白坎四里次段家庄五里次青龍匾五里至黃石梁十里入平利界

一逕西涉廖家河十里青草坪五里姑嫂田五里次中峯觀十里爲歧二

一逕至爐溝六里次爛板溝十里次蓮花坪五里次黑龍洞十里入平利界

一涉至黃土嶺三里又二歧

一西南逕至左溪壩十里

一逕涉至郭家鋪六里次小河口蓮花寺三里次土城五里次陳家店次秋溝塘五里次關垵五里入平利界

一逕南涉至稍田壩三里次團石寨西溝五里次桐溪溝四里次小南溝三里次大南溝二里至中峯一里

一逕南涉至灌溝五里次鷲嘴石十里次彪湖十五次高橋十五里次里人溝十五里入平利界